



U scartu orariu

Eserciziu di ricerca

Ogettivi pedagogichi

Capacità messe in ballu : fà casu à u scartu orariu ; cunverte una durata ; addiziunà durate.

Cumpetenze messe in ballu : calculà ; circà.

Enunciatu

Paulu è Gaetanu, dui cugini bastiacchi, facenu un staziu Erasmus à u stranieru. Paulu hè in Sydney, in Austràlia, è Gaetanu hè in Berlinu in Alimània. Cumunicheghjanu trà elli à spessu, cù l'aiutu di u chat à nant'à internet. Ci vole ch'elli si cunnettinu à listessu tempu da pudè chjachjerà. Quand'ella hè 1 ora di mane in Berlinu, sò 10 ore di mane in Sydney. Da 9:00 à 16:00 (ore lucale), sò in corsu Paulu è Gaetanu, è da 23:00 à 7:00 (ore lucale) dormenu.

1. Gaetanu vole chjamà à Paulu. À chì ora (ore) di Berlinu a pò fà ?
2. Virginia, a surelluccia di Paulu, hè fermata in Bastia. Ùn vede l'ora ch'elli vultessinu i dui maschji è li manda un messagiu cù WhatsApp.
«In 50 000 seconde in puntu, n'averemu u 1^{mu} di maghju.»
Chì era a data è l'ora quand'ella hà scrittu cusì Virginia ?
3. Virginia aghjunghje à u so messagiu u programma di u Festivalu di filmi corti, induv'ella hà da andà sabbatu da mane à a Cinemateca rigiunale.
Chì ghjè a durata di a seanza «publicu giovanu» ?

FESTIVALE DI U FILMU MARINU CORTU



Sabbatu 12 di maghju Seanza publicu giovanu

Le jeune homme et la mer : 17 minuti
Le grand rouge : 1 ora 02 minuti
Les dents du père : 38 minuti
Pieuvre que non : 25 minuti

Lessicu

Scartu orariu : *décalage horaire.*

Cunnette si : *se connecter (p. p. cunnessu).*

Ùn vede l'ora : *être impatient.*

N'averemu u 1^{mu} di maghju : *nous serons le 1er mai.*